




6 Mei 2018



WAPENDRAERBEDIENING

Op Sondag 27 Mei 2018 -
'n Spesiale Erediens oor Gebed

Om meer te wete te kom, volg die leidrade! Leidraad #1: *Lees 1 Samuel 14:1-13.*
Kom vind die antwoord in volgendeweek se Dienelkander

OGGENDDIENS: Ds. Pieter vd Walt

Tema: Die Heilige Gees en ons uitverkiesing

Die leer van die uitverkiesing is 'n baie belangrike leerstuk in die Gereformeerde Kerke. Die Dordtse Leerreëls, een van die drie belydenisskrifte, handel uitvoerig hieroor in hoofstuk 1.

In Efesiërs 1 wat 'n belangrike hoofstuk in die Bybel is wat handel oor die uitverkiesing, beklemtoon Paulus onder andere die werk van die Heilige Gees met betrekking tot ons

uitverkiesing. Paulus noem 'n hele paar, soos hy dit noem, seëninge van die Heilige Gees wat daar in die hemel is.

Ek wil in die preek drie van die seëninge van die Heilige Gees uitlig:

1. Om die Evangelie te hoor en te glo is die werk van die Heilige Gees
2. Die Heilige Gees verseël ons as die eiendom van God
3. Die Heilige Gees is die waarborg van ons ewige erfenis, die ewige lewe.

Die werk van die Heilige Gees met betrekking tot ons uitverkiesing bring soveel troos, soveel vastigheid en sekerheid ten opsigte van ons lewe hier en ons lewe hierna.

Lofsang met die oog op die erediens

Lied 334: 1, 2, 3, 4; Lied 203: 1, 2, 3

Ontmoetingsdiens

Intreelied: Ps 68-1: 2; Votum; Seën; Lofsang: Ps 150-2: 1, 2; Geloofsbelijdenis: 12 Artikels; Sing Sb 14-1: 1

Verootmoedigingsdiens

Wetlesing: Deut 5: 6 - 21; Sing Sb 12-5: 1; Gebed

Woorddiens

Skriflesing: Efesiërs 1: 13, 14 Sing Sb 14-4: 1, 2, 3, 4 (klein kinders gaan na kleuterbediening); Woordverkondiging

Antwoorddiens

Sing Sb 1-1: 1, 2 (Tweede melodie); Liefdegawes; Gebed; Sing Ps 89-1: 6; Seën; Amenlied Sb 13-2.

GROEPBEDIENING

Ons Woordbediening vind vanaand in kleingroepe plaas. Sien hieronder waarmee sommige van die kleingroepe besig is en skakel gerus in.

MEELEWING

- Michiel de Kock (Groep 20 - 082 857 8619) het Vrydag 'n operasie in Midrand ondergaan.
- Jacoba van Rooy (Groep 39 - 083 507 8567) was die afgelope tyd in 'n hospitaal in Johannesburg opgeneem vir toetse om haar lewerprobleem vas te stel. Dit wil voorkom asof sy 'n outo-imuunsiekte opgedoen het wat haar lewer skade aandoen en dat daar suksesvolle behandeling daarvoor is.

- Erika Kruger (Groep 8 - 082 428 7386) het behandeling in 'n Johannesburgse Hospitaal ondergaan en sterk nou huis aan.
- Tannie Rina Snyman is Dinsdagoggend oorlede. Die troosdiens vind Maandag om 11:00 in die kapel van Huis Eikelaan plaas. Ons dink spesiaal aan haar familie.

Ons bid dat die Here beterskap/bemoediging en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Lou en Magdaleen Venter (082 566 5879)

PROGRAM VAN DIE WEEK

Vandag

09:00 Gebedsgroep
09:30 Oggenddiens
Kleuterbediening
Katkisisie Les 9
Tee en Koffie in die Skuur
Kategorie handig verslae in
Groepbediening

Maandag

17:30 Diakonie: Dagbestuur
18:00 Oosdopperfees
18:00 Kinderfees beplanningsvergadering
19:00 Bedieningsdiensgroep

Dinsdag

06:00 Manne ondersteuningsgroep
18:00 Katkisisie gr 11

Woensdag

- 09:30 Bybelstudie
 17:30 Katkisasie Gr 8 - Jaco Lemmer
 17:30 Katkisasie Gr 10 - Herman Stavast
 18:30 Gebed & Ondersteuning
 19:00 Bybelstudie

Donderdag - Hemelvaart

19:00 Gesamentlike Hemelvaartdiens (Bult)

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Emeritusfonds.
- Gawes volgende Sondag vir die Emeritusfonds.
- Vrywillige bydrae vir voertuigsekuriteit in die busses by die deure.
- Diensbeurte: Groep 22 en 23.

VERJAARSDAE

Baie geluk aan almal wat DV hierdie week verjaar!

Sondag, 6 Mei

- | | |
|----------------------------|--------------|
| Sr Ina Jordaan (76) | 082 375 7666 |
| Jsr Lara Naude | 018 290 9681 |
| Sr Henriëtte vd Zwan | 082 859 2229 |
| Sr Rita Venter | 076 094 5042 |

Maandag, 7 Mei

- | | |
|-----------------------|--------------|
| Jsr Zara Bezuidenhout | 082 335 3304 |
| Sr Simonè du Toit | 083 609 3689 |

Dinsdag, 8 Mei

- | | |
|--------------------|--------------|
| Sr Tilla Botha | 072 445 3506 |
| Jsr Tineke Coetzee | |
| Br Boet Schoeman | 082 927 0012 |

Woensdag, 9 Mei

- | | |
|----------------|--------------|
| Sr Rina Vosloo | 082 818 5196 |
|----------------|--------------|

Donderdag, 10 Mei

- | | |
|-------------------------------|--------------|
| Sr Corrie du Plessis | 072 909 0715 |
| Sr Hannatjie du Plessis | 072 827 4744 |
| Jsr Ilani Grobler | |
| Br Huib v Hamburg (72) | 082 550 5493 |

Vrydag, 11 Mei

- | | |
|-------------------------------|--------------|
| Sr Amonè Delport | 079 156 2993 |
| Sr Rachel Vorster (81) | 083 235 7941 |

Saterdag, 12 Mei

- | | |
|--------------------|--------------|
| Sr Nauma Blom | 082 586 9111 |
| Sr Carina Coetsee | 078 011 2050 |
| Sr Leischa Lazenby | 082 668 5655 |

OOSDOPPERFEES - 26 MEI

Lieve Oosdoppers

Oor 3 weke hou ons weer **Oosdopperfees!**

Om 'n sukses van hierdie groot fees te maak het ons, ons gemeente se hulp nodig.

- **Die lyste met items** wat benodig word vir die aanbied van die Oosdopperfees is vanoggend in die ***Skuur***. Skryf asb jou naam langs dit items wat jy kan sken.
- **Daar is ook hulplyste** vir die verskillende afdelings van die fees - dui asb ook daar aan waar jy vir ons sal kan help!

HANDELSHUIS: VLYTIGE VINGERS

- Die ***Vlytige Vingers*** in die ***Handelshuis*** benodig asseblief alle kreatiewe skeppings, bv: Hekelwerk: Hangeroortreksels, musse, slaapsokkies, serpe; ***Ingelegte lekkernye***; Papier/plankie-ontwerpe.
- Ook **wit-olifante**, **kinderspeelgoed** en **ou klere**.

Bring **bogenoemde items** reeds kerk toe tot **14 Mei**, en alle **varsgebak** op 25 of **26 Mei**.

BOEKЕ – GROOT ASSEBLIEF!

Op 26 Mei vind ons jaarlikse Oosdopperfees weer plaas. Een van die stalletjies wat nooit sleg doen nie, is die Boeke-Oase. Maar dan moet daar boeke wees om te verkoop. Daarom vra ons groot asseblief dat u vir ons verkoopbare boeke bring waaronder u kan klaarkom. Kyk asseblief op die rakke wat u

kort-kort moet afstof, na die boeke wat u tog nooit weer gaan lees nie en wat die kinders ook nie wil hê nie. Bring dit vir ons en bewys uself, die kinders, die eksekuteur, maar veral die Kerk, 'n groot guns.

Ons wil nou nie al te kieskeurig klink nie, maar moet asseblief nie ou telefoonboeke, sinode-agendas, traktaatjies, ou handboeke en verhandelings of proefskrifte bring nie. Net soos u het ander ouens dit ook nie nodig nie. Vra uself af of iemand iets sal wil koop en help ons, asseblief!

U kan dit gerus na die kerkkantoor toe bring, selfs op 'n Sondag na die erediens.

SEKURITEIT OP ONS PERSEL

Om toe te sien dat ons perseël Sondae veilig is, benodig ons vrywillige manslidmate om beurtelike te maak om Sondae op die terrein diens te doen tydens die erediens. Praat asb met ds Piet indien jy hiervoor kans sien.

HOËRSKOOL-JEUG



AMANDELBLOEISELS

Ons nooi al die Amandelbloeisels hartlik uit om Woensdag, 16 Mei die oggend vanaf 10:00 saam met ons te kom geniet by Kumkani Lodge. Ons kom by die kerk bymekaar, elkeen bring asb R25 saam.

DIE BYBEL IN AFRIKAANS

Op 1 Junie 1933, amper presies 85 jaar gelede, is die eerste besending van die Bybel in Afrikaans in Kaapstad oopgemaak nadat dit per skip van Engeland vervoer is. Op 4 Junie 1933 is hierdie Bybel die eerste keer in Afrikaans in 'n erediens gelees. Op 27 Augustus 1933 is dit Bybel in Afrikaans amptelik in gebruik geneem. Tot op daardie stadium is die Bybel in Nederlands voorgelees, uit die Statevertaling, wat toe al meer as 200 jaar oud was. Die meeste Afrikaanssprekende mense kon die Nederlands nie meer goed volg nie, sodat die Bybel eintlik vir hulle vreemd geklink het. Die opgewondenheid om die Bybel in jou eie taal te hoor, was so groot dat tussen Junie en Desember 1933 150 000 Bybels in Afrikaans aangekoop is, en nog 100 000 in die volgende ses maande. Die drukkers kon nie voorbly om die Afrikaanse Bybel te druk nie – en dit in 'n tyd van die groot Depressie, met armoede en politieke onsekerheid! Ons is almal so gewoond om die Bybel in ons eie taal te lees, dat 'n mens jou nie kan indink hoe groot die opgewondenheid toe was nie. Om hierdie besondere gebeurtenis te herdenk, gaan ons vandag en die volgende drie Sondae inligting oor die Bybel in Afrikaans gee en in 'n erediens op 3 Junie die vreugde van God se Woord in ons eie taal vier.

Die Ou Testament is oorspronklik in Hebreeus en die Nuwe Testament in Grieks geskryf. Vir mense wat nie die twee tale ken nie, is vertaling van die Bybel noodsaaklik. Die vroegste vertaling van die Ou Testament is al so 2200 jaar gelede gemaak. Dit is in Grieks vertaal vir die Jode in Egipte wat Grieks gepraat het en nie meer Hebreeus geken het nie. Die vroeë kerk het hierdie vertaling gebruik. In dele waar die gelowige nie Grieks

gepraat het nie, moes die hele Bybel vertaal word. In die Romeinse Ryk van daardie tyd was Latyn die mees algemene taal en daarom is die Bybel teen die einde van die vierde eeu nC in Latyn vertaal deur die kerkvader Hieronimus. Hierdie vertaling, die Vulgaat, het die amptelike Bybel van die Westerse kerk (later die Rooms-Katolieke kerk) geword. Omdat die gewone mense nie meer Latyn verstaan nie, het die Hervormers besluit om die Bybel in die taal van die gewone mense te vertaal. Maarten Luther het die Bybel in Duits vertaal.

In Nederland het die Statevertaling groot invloed gehad. Dit was die Bybel waarmee Jan van Riebeeck na die Kaap gekom het en wat die Bybel gebly het van die mense wat later Afrikaans gepraat het. Toe die kerke 100 jaar gelede besluit het om die Bybel in Afrikaans te vertaal, het hulle aanvanklik gedink om bloot die Statevertaling te vertaal. In 1922 het 'n proefvertaling van die evangelies en psalms verskyn, wat nie goed aanvaar is nie. Hierna is besluit om die Bybel opnuut uit Hebreeus en Grieks te vertaal. **Hieroor volgende week verder.**

Op Sondag, 3 Junie, gaan ons 'n spesiale oggenddiens vir hierdie mooi saak afsonder.

GROEPBEDIENING 2018

Om ons gemeente se groepbediening suksesvol voort te sit is dit uiters belangrik dat die kleingroepe betrokke raak by 'n dienswerk binne die gemeente of in die gemeenskap. Hier is van die groepe se inligting.

Kleingroep 26 (opgestel deur Griet du Preez en Hans Malan)

Groep 26 bestaan uit 'n intieme groepie van 16 bejaardes wat in Huis Anna Viljoen, Tuinhuis en die omringende woongebied woon; 14 is lidmate van ons gemeente en 2 is nie. Drie deelnemers aan ons werksaamhede is nie by Groep 26 ingedeel nie. Ons kom elke tweede Dinsdag by Tuinhuis Saal bymekaar en wanneer die saal nie beskikbaar is nie, by Hans en Lien Malan aan huis. Ons kom

voormiddae byeen onder leiding van oudl Hans Malan en ons verrigtinge word geopen met Skriflesing, gebed en samesang. Ons deel in mekaar se lief en leed. Sedert 2015 het ons reeds drie lede aan die dood afgestaan. Verskeie van ons lede het met die seën van Bo, goed herstel van val en opstaan, 'n gebreekte bobeen, vervanging van 'n knieknop, 'n heupvervanging, skoueroperasies, inplanting van 'n hart pasaangeer en 'n beroerte, om nie te praat van verkoue en hartseer nie. Van ons lede doen spontaan hospitaalbesoek ten opsigte van bekendes. Een van ons lede is 'n permanente inwoner van Samuel Broadbent weens gevorderde Alzheimersiekte. Daar is groot dankbaarheid en vreugde oor die gesonde toename in die getal klein- en agterkleinkinders van ons lede.

Ons Bybelstudie behels tans 'n studie van die gebed aan die hand van die bundel "In gesprek met jou Hemelse Vader". Ons onderbreek jaarliks ons Bybelstudieprogram ter wille daarvan om die gemeente se Fokusprogram met oorgawe te volg. Ons het voorheen ook Bybelstudie oor die Heilige Gees gedoen aan die hand van ds Charl van Rooy se handleiding "Ek glo in die Heilige gees." Ons is bevoordeel om prof Herrie Van Rooy en sy eggenote, Koba Van Rooy in ons midde te hê as geestelike versorgers. By geleentheid het prof Herrie ons ingelig oor die ontstaan van die Bybel en die vertaling daarvan, wat baie insiggewend was. Ons verwelkom ook hulle spontane bydraes tot onderwerpe van bespreking tydens ons byeenkomste. Ons sakelys maak gewoonlik voorsiening vir aandag aan sake van die dag. So het ds Karel by geleentheid aan ons voorligting gegee oor die pentakostalisme.

Die Groep is deurlopend betrokke in verskeie gemeentelike projekte. 'n Bedrag van R500 is bygedra tot die kerkraad se Klank en Beeldprojek; R920 is bygedra tot die gemeente se Bybelverspreidingsprojek. Verkskeie lede van die groep is betrokke by breiwerk en kleremaak vir die Milde Hande, vir Huis Anna Viljoen en vir die Abraham Kriel Kinderhuis. Ons dra by tot die diakens se

insameling van fondse en onbederfbare kosware. Ons het met ons afsluiting verlede jaar 'n tafel by die Kersmark bespreek ten bate van die kerk. Lede help waar hulle kragte dit toelaat by die Kersmark, gemeente-etes en verversings tydens begrafnisdienste. Van ons het ook Bybels aangekoop vir sending.

Ons dank gaan aan ons Hemelse Vader wat sy hand van liefde en genade oor ons hou. Aan Hom kom toe die eer en dank vir krag en sterkte wat Hy ons gee sodat ons as Geesvervulde mense kan leef.

Kleingroup 27: Immanuel (Dries Schutte - 082 339 5547),

Kom elke tweede Donderdag om 14:30 tot 16:30, wat volg op die Woensdagoggend se bybelstudie, by Walter en Mariana Plots aan huis, bymekaar.

Ons groep is steeds besig met die vrug van die Gees, tydens bybelstudie. By die volgende twee geleenthede sal nederigheid en selfbeheersing

Bespreek word. Ons het ook ondertussen ingeskakel by die Diakonie se vertroostingsprojek om lidmate wat geliefdes aan die dood afgestaan het, telefonies te kontak en te vertroos en te bemoedig.

Kleingroup 29 (Pierre Volschenk - 082 467 5800)

Hierdie groep kom 2-weekliks byeen soos in die gemeenteblad geskeduleer en vergader om die beurt aan huis van groeplede. Daar is 6 egsparre in ons groep. Ons ervaring is dat 12 lede in 'n groep die optimum getal is om met gemak te akkommodeer en ook om met vrug aan besprekings deel te neem.

Ons is tans besig met 'n videoreeks van dr. David Pawson ("Unlocking the New Testament"). Die fokus vir 2018 (1e kwt) is op 13 Nuwe Testamentiese briewe. Drie van Paulus se sg. 4 gevangenisbriewe nl. Efesiërs, Filippense en Filemon, is pas afgehandel en Kolossense kom DV in Februarie aan die beurt.

Uitreike: (a) Weekliks elke Wo. nm by Amelia vir Huisgodsdiens asook 'n Sondag erediens

elke 3e naweek (b) Groep versorg kinders van Syferfontein in medewerking met br Koot en sr Engela van der Walt wat dit koördineer. Kruideniersware, groente & vrugte word maandeliks voorsien en afgelewer in Ikageng. (c) Broeders van Grp 29 is betrokke by die Tea-time projek van die Dienssentrum. Een keer per maand word tee/koffie bedien aan buite pasiënte by die Potchefstroom Hospitaal.

Kleingroup 31

(Prof. Naas Ferreira – 082 897 3966) kom om 17:00 by die kerk bymekaar en gaan elke tweede Sondagaand fokus op die 'mekaar'-tekste van die Bybel. Ons wil graag daaruit leer hoe ons as gelowiges in ons 'mekaar-verhouding' (koinonia) moet lewe. Enige lidmaat wat belangstel om die geleenthede by te woon is hartlik welkom. Kontak asb vir Adele vir meer inligting.

Kleingroup 32

(Albert Schutte - 081 748 5388) behandel die kwartaal die Jakobus-brief.

Kleingroup 33

(Carina Coetsee - 078 011 2050)

Daar is seker min groepe so uniek soos ons groep! Ons ouerdomme verskil van 'n vrolike 4 jaar tot 'n wyse 86, ons het ook 'n ouma en haar kleinkind wat nie verbonde is aan die Gereformeerde kerk nie! Ons glo dat ons liefde onder mekaar die afgelope jare toegeneem het, deurdat ons nie omgee om voor mekaar te getuig of om van mekaar te leer of te verskil nie! A.g.v. ons groep se unieke samestelling, ondersteun ons graag die lidmate in ons groep wat betrokke is by ander buite projekte! Ons is tans besig met 'n bybelstudiestuk " 'n lewe deur geloof" wat opgestel is deur Hano, dit is 'n wonderlike, verrykende studiestuk wat ons deur die woord lei van die OT tot die NT, hoe ons as volgelinge van Jesus kan lewe!

Ons nooi alle ander gemeentelede wat nie deel is van 'n groep om by 'n groep in te skakel, sodat hy/sy deel kan wees van 'n liefdevolle "huisgesin".

Kleingroep 37

(Douw Grobler - 082 733 8385)

Die temas wat ons kleingroep beplan om hierdie jaar te behandel is:

Kern geloofsbegrippe, verkillende denominasies, Kerkblad-tema's, Bedes van die Onse Vader en Wie is my naaste?

Vyfhoekprojek

Ons groep maak slaapmatjies, kussinkies en musse bymekaar vir Sonja Kahl se klassie by Vyfhoekskool. Ons benodig: inkleurpotlode en vektrye wat dalk in die huis rondlê, plaas asb in die houtkratte in die ingangsportaal van die kerk. Indien jy kans sien om by ons projek betrokke te raak, kontak vir Anna Smith 082 765 9813.

Kleingroep 39

(Jasper Venter - 082 854 7229)

Groep 39 het mooi gegroeい sedert die begin van die jaar en daar is tans 13 lidmate wat op 'n gereelde basis (twee-weekliks) aan huis van br en sr Ed Coetsee-hulle byeenkom. Ons is nog steeds besig om die verskillende literatuurstyle wat in die Bybel voorkom, te ontdek en te bestudeer onder leiding van prof. Herrie van Rooy.

Die Bybel in Afrikaans sal DV 1 Junie 2018, 85 jaar in ons Moedertaal beskikbaar wees. 'n Wonderlike voorreg wat ons waarskynlik nie elke dag genoeg waardeer nie! Met ons groepbyeenkomste oor die verskillende literatuurstyle wat in die Bybel voorkom, het ons ook waardevolle kennis opgedoen oor hoe die Bybel ontstaan het; hoekom die Bybel vertaal word en die metodiek wat Bybelvertalers gebruik om die Bybel te vertaal.

Kleingroep Deo-Gloria

(Salomè Jonker - 072 799 1797)

Ons groepie het in 2017 begin funksioneer onder groep 39. Nou is ons deel van groep 21, met Petri Schutte as ons ouderling.

Ons kom elke tweede Donderdag om 9:30 bymekaar, waartydens ons saam lofprysing doen, voorbidding vir ons predikant, diakens, ouderlinge, groepleiers en verskillende diensgroepe doen. Ons stel ook belang in

mekaar se lief en leed en kan openlik en met vrymoedigheid daaroor praat en mekaar bemoedig.

Ons bid ook vir gemeenteledere wat siek is, vir ons verswakte bejaardes en in besonder vir ons verbondskinders.

Maandeliks skenk ons onbedierbare produkte vir die diakoniekas. Ons wil hierdie jaar vra dat die Gees ons sal lei om mense wat siek, eensaam of verswak is, te besoek. Ons wil ook saam met al ons gemeenteledere die Gees se vlam hoog brandend hou in ons dienswerk. Vanjaar doen ons Bybelstudie aan die hand van Stephan Joubert se boek "Perspektief op die Heilige Gees."

BADPLAAS WEGBREEK VIR AFGETREDENES

Ons wil graag 'n wegbreak reël vir ons bejaardes om van 5-12 Augustus saam Badplaas toe te gaan. Die kostes beloop R2500 p/persoon, dit sluit verblyf, 3 etes per dag en die busvervoer in.



Skryf asb jou naam op die lys in die portaal van die Skuur.

Vir enige navrae:

Hestie J v Rensburg (072 383 9510)

DIE DIGITALE IMPAK OP KINDERS EN JONGMENSE – PASTORALE RIGLYNE PASTORALE BERADINGSKURSUS - SATERDAG 19 MEI 2018

Die ontwikkeling van die Internet en die positiewe bydrae wat dit kan lewer op verskillende terreine is fenomenaal – tog is die moontlike negatiewe invloed ook oorweldigend. Dit kan olie op die vuur wees van reeds bestaande verslawings of verkeerde lewenstyl keuses en sodoeende ontwikkel tot 'n vernietigende invloed met dieselfde krag as 'n Tsunami. Die fokus van hierdie kursus is op ontwikkelings rondom die sogenaamde 'digital invasion' die afgelope aantal jare asook die geweldige impak op die denke en algemene benadering van talle kinders en jongmense. Daar word onder andere ook gelet op die

twee duidelik onderskeibare groepe, naamlik digitale inboorlinge vs digitale immigrante (digital natives vs immigrants) ‘n Aantal probleem areas en slaggate word uitgewys, tesame met verskeie praktiese en pastorale riglyne.

Plek: Studente Hervormde Kerk –

Silwer str 19,

Datum: Saterdag 19 Mei 2018

Tyd: 08:00 – 13:00

Koste: R250 pp (egpare: R350;
studente: R150)

Handleiding te koop (opsioneel): R160
(posgeld: R60 ekstra)

Om te bespreek: U moet vooraf die nodige
fooie inbetaal by:

Capitec spaar rek: 1487438425 –

Takkode: 470010 Rek naam: Prof WC Coetzer
(bevestig dan asb daarna per e-pos)

Navrae: 0836600409 of 0825778810 of
e-pos: wentzelc@gmail.com

KERKLIKE TYDSKRIFTE

Die kerklike tydskrifte vir April is in die
kerkkantoor beskikbaar vir lidmate wat daarop
ingeteken is.

KENNISGEWINGBORD

- Kothuis te huur
- Skoolverlaterskamp 8-13 Julie 2018
- Dienssentrum: Hemelvaartdiens
Donderdag 10 Mei, 08:00
- **Skenking/Donasie:** ‘n Baie hard-werkende en belowende BSc-student is
Maandag, 30 April, in Malherbestraat
beroof van sy skootrekenaar.
Hulp in enige vorm word dringend
benodig en sal opreg waardeer word.
Skakel: 082 416 3998/082 366 0446

ALGEMENE INLIGTING

• WOW-HERWINNINGSWERELD (WEN ONS WêRELD)

Papier, plastiek, karton, glas, blikkies en
polystyrene - *hoef nie gesorteer te wees nie,
herwinningsitems moet wel in plastieksakke*

toegebind wees. **ASB GEEN huisafval nie!**
Die glas/blikkies/plastiek moet asb **uitgespoel**
wees.

• LIEFDEGAWES VIR BARMHARTIGHEID (DIAKONIE) ZAPPER

(Selfoon toepassing)

Hierdie QR simboolkode is gekoppel aan die
Diakonie se rekening en
slegs bydraes vir Barmhartigheid kan daarmee
gemaak word - geen ander
betalings aan die Diakonie of
kerkraad nie



• SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien
word:

<http://ow.ly/ivfZ309vsdc>. Ds Piet
stuur weekliks sy preke per e-pos
uit. Laat weet hulle indien jy dit wil
ontvang.



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –
082 851 3637
Prof. Herrie v Rooy –
083 700 3933

Kerkkantoor: Adele 018 290 7690

Kosterspaar: Johan 061 336 7255
Elsa 073 959 8051

SUSTERS IN DIE GELOOF

"Skuil Onder God se Vleuels"



TEESKINKGELEENTHEID

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Sonette Turkstra en groep 5, Groep 14, Annarie Schutte en groep 25, asook Stephanie Earle en groep 34 .

Volgende week skink Karin Kruger en groep 6, Susan Lourens en groep 15, Mari Steyn en groep 27, asook Shantell Andersen en groep 35 se susters, tee. *Baie dankie julle!*

BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. ***Baie dankie vir julle getroue bydra!***

KWARTAALPROGRAM

DATUM	DAG	TYD	WIE	WAT
21-25 Mei	Week	13:00 en 18:00	Naamlys	Oosdopperfees - vleiswerk - etes
26 Mei	Saterdag	09:00	Almal	Oosdopperfees
03-Jun	Sondag	19:00	Blok D	Ouderlingverversings
10-Jun	Sondag	12:00	Blok B	Nagmaalete
16-Jun	Saterdag	09:00	Blok A	Sustersamekoms

BAIE DANKIE AAN ONS BORG DIE WEEK!

Sanet Ras Prokureurs

OPSTEL VAN TESTAMENTE.
BEREDDERING VAN BOEDELS.
ALLE EIENDOMSTRANSAKSIES.

Van Riebeeckstraat 101, Potchefstroom
Tel: (018) 294-8953 k/u

OOSDOPPERTJIES


Jes. 43:1b "Ek het jou op jou naam geroep, jy is myne."

Lieve Oosdoppertjies!

Ons beplan 3 lekkerrrrrr aksies vir hierdie kwartaal hou solank die datums oop om dit saam te geniet!

Muntlegging

Ons gaan op 3 Junie tydens die katkisasie-afsluiting van hierdie kwartaal weer 'n muntlegging hou! Maak solank jou munte bymekaar sodat jy genoeg munte het om deel te neem aan die muntlegging!



I-JUMP

Ons nooi graag al ons jongmense vir 'n uitstappie na iJump op Sondag, 20 Mei na die oggenddiens. Ons vertrek almal saam met 'n bussie. Elkeen betaal slegs sy toegang van R120. Bring 'n kospakkie saam om te eet voordat ons ry. Ons behoort teen 16:00 terug te wees by die kerk.



Skryf asb jou naam op die besprekingslys in die Skuur.

Enige navrae: Adele Human (082 460 3062) of
Marie Oosthuizen (082 929 3834)

VERLORE MENSE

Spreuke 11:3 "Die opregtheid van eerlike mense bepaal hulle koers; valsheid van onbetroubares bring hulle ondergang."

Nadat Judas vir Jesus verloën het, het hy skuldig gevoel. Die Fariseërs wat hom betaal het om Jesus uit te lewer, het hom verwerp. Judas se verhaal eindig baie tragies, toe hy na die Fariseërs toe gaan omdat hy te skaam was om na Jesus toe te gaan. Dié wat lewe daarvoor om verkeerde dinge te doen, raak op die ou end heeltemal verlore. Sonde benewel jou sig sodat jy nie meer weet waar om te gaan nie, maar as jy goddelike integriteit het, sal die Heilige Gees jou selfs deur die moeilike tye lei.



Judas kon na Jesus toe gegaan het en alles reggestel het deur sy sonde te erken en vergifnis te vra, maar hy het nie. Jy moet jou bes doen om met integriteit te lewe, maar wanneer jy droogmaak, gaan so gou moontlik na Jesus toe.